




Broj: 01-50-1-15-23/24

Sarajevo, 3. 12. 2024.

DOM NARODA
PARLAMENTARNE SKUPŠTINE
BOSNE I HERCEGOVINE



Predmet: O b a v j e š t e n j e

Predstavnički dom Parlamentarne skupštine BiH je na 23. sjednici, održanoj 3. 12. 2024, razmatrao sljedeće tačke dnevnog reda:

1. Prijedlog zakona o izmjeni i dopuni Zakona o osnovama sigurnosti saobraćaja na putevima u Bosni i Hercegovini, predlagač: poslanica Mia Karamehić-Abazović, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-2232/24 od 12. 11. 2024;
2. Prijedlog zakona o izmjeni Izbornog zakona Bosne i Hercegovine, predlagač: poslanik Nenad Grković, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-2344/24 od 26. 11. 2024;
3. Prijedlog zakona o dopuni Zakona o plaćama i naknadama u institucijama Bosne i Hercegovine, predlagač: poslanici iz Kluba SDA Šerif Špago, Edin Ramić, Safet Kešo, Amor Mašović, Nermin Mandra, Denijal Tulumović, Midhat Čaušević i Šemsudin Dedić, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-2385/24 od 28. 11. 2024;
4. Prijedlog zakona o dopunama Zakona o porezu na dodatu vrijednost, predlagač: poslanici Sanja Vulić, Mia Karamehić-Abazović, Saša Magazinović, Sabina Čudić i Čedomir Stojanović, broj: 01-02-1-1829/24 od 25. 9. i 26. 9. 2024. (drugo čitanje);
5. Prijedlog zakona o dopunama Krivičnog zakona Bosne i Hercegovine, predlagač: poslanik Nihad Omerović, broj: 01-02-1-1166/24 od 13. 6. 2024, s Mišljenjem Ustavnopravne komisije;
6. Prijedlog zakona o izmjeni i dopuni Krivičnog zakona Bosne i Hercegovine, predlagač: poslanik Denis Zvizdić, broj: 01-02-1-2119/24 od 31. 10. 2024. (prvo čitanje);
7. Izvještaj o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2023. godinu, podnosilac: Predsjedništvo BiH, broj: 01,02-16-1-1377/24 od 15. 7. 2024;
8. Izvještaj o radu Vijeća ministara BiH za 2023. godinu, broj: 01,02-50-18-1414/24 od 19. 7. 2024;

9. Drugi periodični izvještaj o uvođenju novih tehnologija u izborni proces u Bosni Hercegovini, podnosilac: Centralna izborna komisija BiH, broj: 01,02-50-18-1894/24 od 4. 10. 2024;
10. Izvještaj o provedenoj reviziji učinka o temi: „Višegodišnja kapitalna ulaganja“, podnosilac: Ured za reviziju institucija BiH, broj: 01-16-10-1921/24 od 8. 10. 2024;
11. Izvještaj o provedenoj reviziji učinka o temi: „Uspostavljanje i osiguravanje funkcionalne unutrašnje revizije u institucijama BiH“, podnosilac: Ured za reviziju institucija BiH, broj: 01-16-10-2005/24 od 18. 10. 2024;
12. Izvještaj Praćenje realizacije preporuka revizije učinka „Pravovremenost postupaka javnih nabavki u institucijama BiH“, podnosilac: Ured za reviziju institucija BiH, broj: 01-16-10-2054/24 od 23. 10. 2024;
13. Izvještaj o provedenoj reviziji učinka o temi: „Izdaci za sudske sporove u institucijama Bosne i Hercegovine“, podnosilac: Ured za reviziju institucija BiH, broj: 01-16-10-2137/24 od 1. 11. 2024;
14. Izvještaj Praćenje realizacije preporuka revizije učinka „Spremnost institucija BiH da odgovore na preuzete obaveze iz programa održivog razvoja do 2030. godine“, podnosilac: Ured za reviziju institucija BiH, broj: 01-16-10-2138/24 od 1. 11. 2024;
15. Prijedlog odluke o izmjenama Odluke o imenovanju članova stalnih komisija Predstavničkog doma Parlamentarne skupštine Bosne i Hercegovine, predlagач: poslanik Jasmin Emrić, akt broj: 01-34-1-2128/24 od 31. 10. 2024;
16. Prijedlog za razrješenje direktora Agencije za prevenciju korupcije i koordinaciju borbe protiv korupcije, predlagач: Komisija za izbor i praćenje rada Agencije za prevenciju korupcije i koordinaciju borbe protiv korupcije, broj: 05/8-34-1-2001/24 od 11. 11. 2024;
17. Poslanička inicijativa Saše Magazinovića kojom Predstavnički dom Parlamentarne skupštine BiH, u skladu s članom 35. Zakona o Vijeću ministara BiH („Službeni glasnik BiH“, br. 38/02, 30/03, 42/03, 81/06, 76/07, 81/07, 94/07 i 24/08), zadužuje Vijeće ministara BiH da u roku od tri mjeseca u parlamentarnu proceduru dostavi zakonsko rješenje kojim se donirani lijekovi oslobađaju poreza na dodatu vrijednost, broj: 01-50-1-1969/24 od 16. 10. 2024;
18. Poslanička inicijativa Denisa Zvizdića kojom Predstavnički dom Parlamentarne skupštine BiH inicira da Vijeće ministara BiH pristupi izradi Okvirne strategije integriranog upravljanja vodama na nivou Bosne i Hercegovine, uključujući i Akcioni plan za provođenje propisa Evropske unije koji se odnose na vodu za piće, komunalne otpadne vode i upravljanje rizikom od poplava, kao jedne od obaveza iz poglavlja 27. Izvještaja Evropske komisije o Bosni i Hercegovini za 2023. godinu, broj: 01-50-1-2002/24 od 18. 10. 2024;
19. Davanje saglasnosti za ratifikaciju Sporazuma između Ministarstva odbrane Bosne i Hercegovine i Ministarstva nacionalne odbrane Rumunije o odbrambenoj saradnji, broj: 01,02-21-1-2158/24 od 5. 11. 2024;
20. Davanje saglasnosti za ratifikaciju Sporazuma o Centralnoevropskom programu razmjene za univerzitetske studije (CEEPUS IV), broj: 01,02-21-1-2159/24 od 5. 11. 2024;
21. Davanje saglasnosti za ratifikaciju Sporazuma o finansiranju za Interreg VI-B Program EURO MEDITERRANEAN (EURO MED) za period 2021-2027. između Evropske unije, koju predstavlja Evropska komisija, Bosne i Hercegovine, koju predstavlja Direkcija za

evropske integracije Vijeća ministara Bosne i Hercegovine, i Republike Francuske, koju predstavlja francuska regija Provansa-Alpe-Azurna obala, broj: 01,02-21-1-2160/24 od 5. 11. 2024;

22. Davanje saglasnosti za ratifikaciju Sporazuma o finansiranju za program saradnje (Interreg VI-C) Urbakt IV za period 2021- 2027. između Evropske unije, koju predstavlja Evropska komisija, Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine, i Republike Francuske, koju predstavlja Nacionalna agencija za teritorijalnu koheziju (ANCT), broj: 01,02-21-1-2177/24 od 7. 11. 2024;
23. Davanje saglasnosti za ratifikaciju Međunarodnog sporazuma o maslinovom ulju i stolnim maslinama iz 2015. godine, broj: 01,02-21-1-2316/24 od 20. 11. 2024;
24. Davanje saglasnosti za ratifikaciju Međunarodnog sporazuma između Evropske unije i Bosne i Hercegovine o učešću Bosne i Hercegovine u programu Pravosuđe 2021-2027, broj: 01,02-21-1-2354/24 od 27. 11. 2024;
25. Davanje saglasnosti za ratifikaciju Sporazuma o grantu br. TF0C4164 (Projekat za jačanje nadzora nad javnim preduzećima u Bosni i Hercegovini) između Bosne i Hercegovine i Međunarodne banke za obnovu i razvoj i Međunarodnog udruženja za razvoj (u svojstvu administratora Višedonatorskog krovnog povjereničkog fonda za finansijsko upravljanje), broj: 01,02-21-1-2416/24 od 2. 12. 2024.

Ad. 1.

Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će ***naknadno usaglašavanje*** o zahtjevu poslanice Mije Karamehić-Abazović za razmatranje Prijedloga zakona o izmjeni i dopuni Zakona o osnovama sigurnosti saobraćaja na putevima u Bosni i Hercegovini po hitnom postupku, u skladu s članom 133. Poslovnika.

Ad. 2.

Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će ***naknadno usaglašavanje*** o zahtjevu poslanika Nenada Grkovića za razmatranje Prijedloga zakona o izmjeni Izbornog zakona Bosne i Hercegovine po hitnom postupku, u skladu s članom 133. Poslovnika.

Ad. 3.

Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će ***naknadno usaglašavanje*** o zahtjevu poslanika iz Kluba SDA Šerifa Špage, Edina Ramića, Safeta Keše, Amora Mašovića, Nermina Mandre, Denijala Tulumovića, Midhata Čauševića i Šemsudina Dedića za razmatranje Prijedloga zakona o dopuni Zakona o plaćama i naknadama u institucijama Bosne i Hercegovine po hitnom postupku, u skladu s članom 133. Poslovnika.

Ad. 4.

Predstavnički dom *usvojio je u drugom čitanju* Prijedlog zakona o dopunama Zakona o porezu na dodatu vrijednost, predlagača poslanika Sanje Vulić, Mije Karamehić-Abazović, Saše Magazinovića, Sabine Čudić i Čedomira Stojanovića, sa šest amandmana iz Izvještaja Komisije iz finansije i budžet Predstavničkog doma koji glase:

Amandman I.

U članu 1. Prijedloga zakona prilikom navođenja brojeva „Službenog glasnika BiH“ u kojima je objavljen osnovni tekst zakona i njegove izmjene, odnosno dopune briše se navod: „i 50/24“.

U istom članu u nazivu novog člana 54a. briše se zagrada i tekst naziva člana treba boldirati. Također, u tekstu novog člana 54a. brišu se oznake stavova od (1) do (5), jer se u osnovnom tekstu Zakona o porezu na dodatu vrijednost novi stav u članu označava uvlačenjem teksta u istom redu.

Dodatno, u tekstu novog člana 54a. mijenja se način označavanja stavova na koje se vrši pozivanje, tako da se umjesto oznaka stavova: „(1), (2) i (3)“ stave oznake stavova: „1, 2. i 3.“ Na kraju novog člana 54a. potrebno je zatvoriti navodnike.

Amandman II.

U Prijedlogu zakona o dopunama Zakona o porezu na dodatu vrijednost („Službeni glasnik BiH“, br. 9/05, 35/05, 100/08, 33/17, 46/23 i 80/23) u članu 54a. stav 1. mijenja se i glasi:
„Punoljetno fizičko lice koje je državljanin Bosne i Hercegovine sa stalnim mjestom prebivališta u Bosni i Hercegovini, koje je kupac stambenog objekta, ima pravo na povrat PDV-a prilikom kupovine prvog stambenog objekta.“

Amandman III.

U članu 1. Prijedloga zakona u novom članu 54a. stav 2. mijenja se i glasi:

„Stambenim objektom iz stava 1. ovog člana smatraju se novoizgrađeni individualni stambeni objekat i/ili ekonomski djeljiva cjelina u okviru novoizgrađenog kolektivnog stambenog objekta na teritoriji Bosne i Hercegovine namijenjeni za stanovanje.“

Amandman IV.

U članu 1. Prijedloga zakona u novom članu 54a. stav 3. mijenja se i glasi:

„Potvrde kojima se dokazuje ispunjavanje uslova iz st. 1. i 2. ovog člana izdaju nadležni organi u BiH.“

Amandman V.

U članu 2. Prijedloga zakona briše se naziv člana.

U istom članu, koji se odnosi na član 67. Zakona, umjesto oznake stava "(2)" treba staviti oznaku stava 2.

Također, u istom članu prilikom navođenja novog stava briše se oznaka stava "(3)", jer se slijedom nomotehnike osnovnog teksta propisa, novi stav označava uvlačenjem teksta u istom redu.

Istovremeno, oznake st. "(3)" i "(4)" zamjenjuju se oznakama: "3." i "4".

Amandman VI.

U članu 3. Prijedloga zakona stav 1. mijenja se i glasi:

„Upravni odbor Uprave za indirektno oporezivanje Bosne i Hercegovine donijet će podzakonske akte za provođenje Zakona nakon stupanja ovog zakona na snagu, u kojima će se utvrditi uslovi i način pod kojima kupac ostvaruje pravo na povrat PDV-a za kupovinu prvog stambenog objekta, uključujući nadležne organe za izdavanje potvrda kojima se dokazuje ispunjavanje uslova za povrat PDV-a, definiranje minimalnog perioda za otuđenje stambenog objekta od strane korisnika prava na povrat PDV-a, površinu i cijenu stambenog objekta na koju je moguće ostvariti povrat PDV-a, maksimalan iznos povrata PDV-a, broj članova domaćinstva koji ostvaruju ili ne ostvaruju pravo i u kojem obimu, početne rokove u smislu posjedovanja prve nekretnine radi ostvarivanja prava, kao i sve ostale potrebne uslove s ciljem provođenja Zakona.“

Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će ***naknadno usaglašavanje*** o prijedlozima zaključaka poslanika Šerifa Špage koji glase:

1. Predstavnički dom Parlamentarne skupštine BiH poziva entitetske, kantonalne i vlasti Brčko Distrikta BiH da ukinu porez na promet nekretnina pri prvom rješavanju stambenog pitanja građana Bosne i Hercegovine.
2. Predstavnički dom Parlamentarne skupštine BiH poziva općinske, gradske, kantonalne, entitetske i vlasti Brčko Distrikta BiH da u svojim budžetima planiraju sredstva za subvencioniranje kupovine ili izgradnju stambenog objekta pri prvom rješavanju stambenog pitanja građana Bosne i Hercegovine, a koji ne koriste pravo na povrat PDV-a po osnovu kupovine prvog stambenog objekta.

Ad. 5.

Budući da je Ustavnopravna komisija po drugi put dala negativno mišljenje o Prijedlogu zakona o dopunama Krivičnog zakona Bosne i Hercegovine, predlagača poslanika Nihada Omerovića, zakonodavna procedura po navedenom prijedlogu zakona *je obustavljena*.

Ad. 6.

Predstavnički dom *usvojio je u prvom čitanju* Prijedlog zakona o izmjeni i dopuni Krivičnog zakona Bosne i Hercegovine, predlagača poslanika Denisa Zvizdića.

Ad. 7.

Predstavnički dom *usvojio je* Izvještaj o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2023. godinu.

Na prijedlog poslanice Mire Pekić, *usvojen je* sljedeći zaključak:

„Predstavnički dom Parlamentarne skupštine BiH zadužuje Vijeće ministara BiH da u roku od 30 dana dostavi objedinjeni izvještaj o namjenskom utrošku sredstava koja su dodijeljena 29. 12. 2023. iz sredstava tekuće budžetske rezerve za podršku neprofitnim organizacijama:

- Ministarstvo civilnih poslova BiH u iznosu od 2.230.644,00 KM,
- Ministarstvo za ljudska prava i izbjeglice BiH u iznosu od 1.537.861,49 KM.“

Ad. 8.

Predstavnički dom *usvojio je* Izvještaj o radu Vijeća ministara BiH za 2023. godinu.

Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će *naknadno usaglašavanje* o prijedlozima zaključaka poslanika Jasmina Emrića koji glase:

1. Predstavnički dom Parlamentarne skupštine BiH traži od svih institucija Bosne i Hercegovine da Predstavničkom domu dostave podatke o nacionalnoj strukturi lica koja su zasnovala radni odnos u periodu od 1. 1. 2023. do 1. 12. 2024, tako da dostave sljedeće podatke za svaku instituciju: ukupan broj lica koja su zasnovala radni odnos, ukupan broj Bošnjaka i procenat Bošnjaka od ukupnog broja, ukupan broj Srba i procenat Srba od ukupnog broja, ukupan broj Hrvata i procenat Hrvata od ukupnog broja i ukupan broj ostalih/neopredijeljenih i procenat ostalih/neopredijeljenih.
2. Predstavnički dom Parlamentarne skupštine BiH traži od svih institucija Bosne i Hercegovine da Predstavničkom domu dostave podatke o nacionalnoj strukturi svih zaposlenih na dan 1. 12. 2024, tako da dostave sljedeće podatke za svaku instituciju: ukupan broj zaposlenih, ukupan broj Bošnjaka i procenat Bošnjaka od ukupnog broja, ukupan broj Srba i procenat Srba od ukupnog broja, ukupan broj Hrvata i procenat

Hrvata od ukupnog broja i ukupan broj ostalih/neopredijeljenih i procenat ostalih/neopredijeljenih.

3. Predstavnički dom Parlamentarne skupštine BiH traži od svih institucija Bosne i Hercegovine koje imaju organizacione jedinice izvan sjedišta institucije da Predstavničkom domu dostave podatke o nacionalnoj strukturi zaposlenih na dan 1. 12. 2024, tako da dostave posebne podatke za sjedište institucije i svaku organizacionu jedinicu izvan sjedišta kako slijedi: ukupan broj zaposlenih, ukupan broj Bošnjaka i procenat Bošnjaka od ukupnog broja, ukupan broj Srba i procenat Srba od ukupnog broja, ukupan broj Hrvata i procenat Hrvata od ukupnog broja i ukupan broj ostalih/neopredijeljenih i procenat ostalih/neopredijeljenih.
4. Predstavnički dom Parlamentarne skupštine BiH traži od Vijeća ministara BiH da se u Izvještaj o radu Vijeća ministara Bosne i Hercegovine za 2024. godinu, osim podataka o rodnoj strukturi zaposlenih, uvrste i podaci o nacionalnoj strukturi zaposlenih.

Ad. 9.

Predstavnički dom *usvojio je* Drugi periodični izvještaj o uvođenju novih tehnologija u izborni proces u Bosni Hercegovini.

Na prijedlog poslanika Šerifa Špage, *usvojeni su* sljedeći zaključci:

1. Predstavnički dom Parlamentarne skupštine BiH zadužuje Centralnu izbornu komisiju BiH da izradi studiju izvodljivosti za uvođenje specifičnih izbornih tehnologija u izborni proces Bosne i Hercegovine u roku od 90 dana od dana usvajanja ovog zaključka, a u skladu s članom 20.16e Izbornog zakona Bosne i Hercegovine.
2. Predstavnički dom Parlamentarne skupštine BiH zadužuje Vijeće ministara BiH da, u skladu sa zahtjevom Centralne izborne komisije BiH, osigura finansijska sredstva u Budžetu institucija Bosne i Hercegovine za 2025. godinu za nabavku potrebne opreme za uvođenje specifičnih izbornih tehnologija u izborni proces Bosne i Hercegovine u skladu s članom 20.16e Izbornog zakona Bosne i Hercegovine.

Ad. 10.

Predstavnički dom *usvojio je* Izvještaj o provedenoj reviziji učinka o temi: „Višegodišnja kapitalna ulaganja“.

Ad. 11.

Predstavnički dom *usvojio je* Izvještaj o provedenoj reviziji učinka o temi: „Uspostavljanje i osiguravanje funkcionalne unutrašnje revizije u institucijama BiH“.

Ad. 12.

Predstavnički dom *usvojio je* Izvještaj o provedenoj reviziji učinka o temi: „Pravovremenost postupaka javnih nabavki u institucijama BiH“.

Ad. 13.

Predstavnički dom *usvojio je* Izvještaj o provedenoj reviziji učinka o temi: „Izdaci za sudske sporove u institucijama Bosne i Hercegovine“.

Ad. 14.

Predstavnički dom *usvojio je* Izvještaj Praćenje realizacije preporuka revizije učinka „Spremnost institucija BiH da odgovore na preuzete obaveze iz programa održivog razvoja do 2030. godine“.

Ad. 15.

Predstavnički dom *usvojio je* Prijedlog odluke o izmjenama Odluke o imenovanju članova stalnih komisija Predstavničkog doma Parlamentarne skupštine Bosne i Hercegovine, predlagača poslanika Jasmina Emrića.

Ad. 16.

Predstavnički dom *razriješio je* Elvisa Kondžića dužnosti direktora Agencije za prevenciju korupcije i koordinaciju borbe protiv korupcije.

Na prijedlog poslanika Denisa Zvizdića, *usvojen je* sljedeći zaključak:

„Predstavnički dom Parlamentarne skupštine BiH poziva Komisiju za izbor i praćenje rada Agencije za prevenciju korupcije i koordinaciju borbe protiv korupcije da odmah pokrene postupak imenovanja novog direktora Agencije za prevenciju korupcije i koordinaciju borbe protiv korupcije u skladu sa Zakonom o Agenciji za prevenciju korupcije i koordinaciju borbe protiv korupcije, kako bi se omogućilo nesmetano funkcioniranje institucije.“

Ad. 17.

Predstavnički dom *usvojio je* poslaničku inicijativu Saše Magazinovića kojom Predstavnički dom Parlamentarne skupštine BiH, u skladu s članom 35. Zakona o Vijeću ministara BiH („Službeni glasnik BiH“, br. 38/02, 30/03, 42/03, 81/06, 76/07, 81/07, 94/07 i 24/08), zadužuje Vijeće ministara BiH da u roku od tri mjeseca u parlamentarnu proceduru dostavi zakonsko rješenje kojim se donirani lijekovi oslobađaju poreza na dodatu vrijednost.

Ad. 18.

Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će *naknadno usaglašavanje* o poslaničkoj inicijativi Denisa Zvizdića kojom Predstavnički dom Parlamentarne skupštine BiH inicira da Vijeće ministara BiH pristupi izradi Okvirne strategije integriranog upravljanja vodama na nivou Bosne i Hercegovine, uključujući i Akcioni plan za provođenje propisa Evropske unije koji se odnose na vodu za piće, komunalne

otpadne vode i upravljanje rizikom od poplava, kao jedne od obaveza iz poglavlja 27. Izvještaja Evropske komisije o Bosni i Hercegovini za 2023. godinu.

Ad. 19 - 25.

Predstavnički dom *dao je saglasnost za ratifikaciju:*

- Sporazuma između Ministarstva odbrane Bosne i Hercegovine i Ministarstva nacionalne odbrane Rumunije o odbrambenoj saradnji,
- Sporazuma o Centralnoevropskom programu razmjene za univerzitetske studije (CEEPUS IV),
- Sporazuma o finansiranju za Interreg VI-B Program EURO MEDITERRANEAN (EURO MED) za period 2021-2027. između Evropske unije, koju predstavlja Evropska komisija, Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine, i Republike Francuske, koju predstavlja francuska regija Provansa-Alpe-Azurna obala,
- Sporazuma o finansiranju za program saradnje (Interreg VI-C) Urbakt IV za period 2021- 2027. između Evropske unije, koju predstavlja Evropska komisija, Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine, i Republike Francuske, koju predstavlja Nacionalna agencija za teritorijalnu koheziju (ANCT),
- Međunarodnog sporazuma o maslinovom ulju i stolnim maslinama iz 2015. godine,
- Međunarodnog sporazuma između Evropske unije i Bosne i Hercegovine o učešću Bosne i Hercegovine u programu Pravosuđe 2021-2027,
- Sporazuma o grantu br. TF0C4164 (Projekat za jačanje nadzora nad javnim preduzećima u Bosni i Hercegovini) između Bosne i Hercegovine i Međunarodne banke za obnovu i razvoj i Međunarodnog udruženja za razvoj (u svojstvu administratora Višedonatorskog krovnog povjereničkog fonda za finansijsko upravljanje).

S poštovanjem,

